

四庫全書存目叢書編纂委員會編

齊魯書社

四庫全書存目叢書

史部
第五四冊

責任編輯：孫言誠 賀 偉

ISBN 7-5333-0535-3



9 787533 305352 >

2887/12

四庫全書存目叢書·史部五四

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 51.75 印張

1996 年 8 月第 1 版 1996 年 8 月第 1 次印刷

印數 1-100

ISBN 7-5333-0535-3

Z·37 史部定價：87600 圓

史部第五四冊目次

史部·雜史類

皇明寶訓四十卷(二)

〔明〕呂本等輯
故宮博物院圖書館藏明萬曆三十年秣陵周氏大有堂刻本

.....一

吳淞甲乙倭變志二卷

〔明〕張鼎撰
北京大學圖書館藏民國二十五年上海通社排印上海掌故叢書第一集本

.....六六六

兩朝平攘錄五卷

〔明〕諸葛元聲撰
中央民族大學圖書館藏明萬曆三十四年商濬刻本

.....六九四

挺擊始末一卷

〔明〕陸夢龍撰
北京圖書館藏清鈔明季野史彙編本

.....八一三

皇明寶訓四十卷(二)

〔明〕呂本等輯

故宮博物院圖書館藏明萬曆三十年秣陵

周氏大有堂刻本

附《四庫全書總目·明寶訓四

十卷》提要

仁宗昭皇帝寶訓序

朕惟帝王治天下仁恤蒼生為祈天永命之本是之謂成德制禮樂法度為維持之具以傳子孫是之謂成憲繼統序者欽承之以求無爽於成德無愆於成憲用保天下國家於悠久是之謂繼述越古稽昔夏商周之世禹湯文武肇於前皆有賢子孫紹於後歷世綿永其效可見

天佑國家我

太祖高皇帝

太宗文皇帝峻德成功貽範於後者至矣盛矣

皇考仁宗昭皇帝以仁厚溫恭之德當國家亨嘉之運緝

皇明寶訓

洪熙序

乙

熙

聖學帝王之心法經綸彙贊之道咸貫而一之用光前烈迪後

昆所以嘉惠臣民者咸出

至誠惻怛之心暮年之間

深仁厚澤浹於下足以隆國家之治於永遠朕承大位謹

命儒臣紀之國典復輯嘉謨為寶訓六卷析四十一類

凡百九十八條蓋敬天勤民之心制治保邦之道備於

是矣朕惟

祖宗洪業創造之難繼守之不易夙夜兢兢慮弗克負何肆於

訓典是承是式且欲後之子孫咸承式焉庶其永保祖宗之付

託於悠久也謹為之序云

宣德五年正月二十日

皇明寶訓 洪熙序
仁宗昭皇帝寶訓序終

大明仁宗昭皇帝寶訓目錄

○卷之一

敬天

聖孝

教皇太子

睦親

戒飭宗室

嚴祀禮

仁政

恤民

重農

求賢

用人

命官

求言

褒直言

改過

○卷之二

明治體

興學

崇儒

正風化

諭臣下

戒飭臣下

振風紀

重名爵

抑倖進

退不肖

防微

革弊

弛利

武備

備邊

諭邊將

恤將士

齊功

厚勲戚

恤舊勞

禮羣臣

褒贈

明刑

恤刑

宥過

懷遠人

大明仁宗昭皇帝寶訓目錄終

大明仁宗昭皇帝實訓卷之一

光祿大夫柱國少傅兼太子太傅禮部尚書武英殿大學士呂本謹校

南京禮部祠祭清吏司郎中臣陳宗

南京兵部職方清吏司事官朱錦謹閱

南京工部虞衡清吏司郎中臣呂鳳當

敬天

○洪熙元年正月癸未以遇冬不雪勅公侯伯五府都督六部尚書侍郎都察院都御史曰朕以眇躬託於臣民之上憂憫元元勤於夙夜而自今迄冬時雪不降來年無遂吾農奈何夫二氣之乖由朕德涼薄大臣與國同體變理之助誠有賴焉朕方惕厲自省卿等亦懋脩乃職用贊輔予庶以謀召和氣康濟兆民夫愛民惟誠可以動天願共勉之欽哉毋忽

聖明實訓 洪熙一卷

○丙戌賜三公及六部尚書天元玉曆祥異賦

上初得此書以示侍臣曰天道人事未嘗判為二途有動於此必應於彼朕少侍

太祖每教以慎脩敬天朕未嘗敢忘此書言簡理當左右輔臣亦宜知之遂命刊印

上親製序曰在天為五行在人為五事五事脩則休徵應失則咎徵應天人感應之機神矣惟天心仁愛人君當示變以警之惟明君必敬天於所警皆有惕厲脩省之誠未嘗忽也此編明於天人之際審矣朕嗣承天序祇

若天道動靜云為恒慎諸此朕股大臣與國同體欣戚相均今各以賜之非惟使達夫吉凶之幾亦庶幾其變理之助云

聖孝

上為世子時

太宗皇帝舉兵靖難奉命居守旦暮督治守備及禦敵之具每四鼓以起二鼓乃息左右或以過勤為言者答曰君父身冒艱險在外此豈為子優逸時且根本之地敵人所以趨者豈宜不為豫備而凡有所施為必稟命仁孝皇后乃行

○永樂十一年七月庚子千秋節時

聖明實訓 洪熙一卷

上監國南京先日禮部請行慶賀禮

上曰

車駕在北京予不得

君父前躬致禮乃可受羣臣禮耶其止之自是千秋節遇車駕巡行並免禮

○永樂十八年十一月丙寅

上為皇太子過鳳陽謁祭

皇陵畢周步陵旁望

仁祖純皇帝所遺石農器顧侍郎張本學士楊士奇曰國家帝業所自也徘徊久而後退既退陵下耆老進謁悉賜酒饌慰勞之有知

太祖龍興時事者留從容與語至夕加賜優厚已而顧士奇等歎曰知當時事者益鮮矣蓋

上重

祖宗事率如此

○永樂十九年正月辛卯

上為皇太子初至北京禮部尚書呂震言於

上曰殿下前在南京數遣中官進保進奏牘每至輒有殿

下過失上聞而皆其妄言今宜疏此人

上曰過失吾豈能無今

至尊既不信之我又可於此人計較耶卒寘之

○永樂二十一年十一月丁亥

皇明寶訓

洪熙一卷

三

上為皇太子閒內侍黃儼江保數造危語譖之

太宗皆不聽

上召左春坊大學士楊士奇至文華殿語之故因嘆曰天

可欺乎非賴

至尊聖明尚得在此哉士奇對曰殿下益宜自處蓋道

上曰盡心子職而已他有何道

○永樂二十二年八月丙寅勅諭禮部臣曰

皇考大行皇帝聖德神功追配

太祖統御天下二十餘年恩德在民萬世永賴

皇妣仁孝皇后母儀四海寅奉

宗廟協隆化理而尊號未上無以稱朕孝思及天下臣民

尊仰不忘之心其與羣臣定議請謚于南郊

○九月癸未禮部尚書兼太常寺卿呂震奏

太宗皇帝遺命喪服一如

太祖高皇帝倣漢制以日易月今已踰二十七日請

上釋衰服服烏紗冠素服黑角帶臨朝

上不聽命與六部都察院詳議以聞震與六部都察院共奏

上宜服素冠黑角帶羣臣皆從君服

上曰

梓宮在殯朕何忍遽易自是臨朝素冠麻衣麻經朝退仍

衰服

○十一月庚辰

皇明寶訓

洪熙一卷

四

上謂侍臣曰守成之主勳法祖宗斯鮮過舉書曰監於先

王成憲其永無愆後世為嗣君者往往作聰明亂舊章

而卒至喪敗不救可為鑒戒朕十餘歲侍

太祖皇帝側親見作祖訓屢更改易而後成書是時秦晉

周世子皆在

太祖閒暇即召太孫及諸世子於前分條逐事委曲開諭

之皆持身正家以至治天下之要道為天子為藩王能

每事遵守豈有不福祿永遠者朕寤寐不忘今已命司

禮監刊印將賜諸子及弟姪侍臣對曰

陛下此心即

太祖皇帝之心也

○已丑太子太保兼禮部尚書呂震奏冬至節請御正殿受賀

上曰

梓宮在殯山陵未終因時興慕氣慟愈切慶賀之禮豈所宜言勅免賀

○洪熙元年正月壬午勅禮部太常寺臣曰欽惟

皇祖太祖高皇帝受命

上天肇興皇業

皇考太宗文皇帝中興

宗社再奠寰區

聖德神功咸配

皇明寶訓

洪熙一卷

五

天地易曰殷薦上帝以配祖考朕崇敬

皇祖

皇考永惟一心今年正月十五日大祀

天地神祇奉

皇祖

皇考配神仍著典章垂範萬世如勅奉行

教皇太子

○洪熙元年二月壬子

上諭華蓋殿大學士楊士奇等曰東宮開講筵蓋欲皇太子日聞正道養成德性講官當以大經大法進說其前史所載非聖賢之道無益於治者勿言

○四月丙午賜皇太子圖書并書諭曰朕惟祖孫父子於天倫最重是以祖之於孫父之於子其親愛天下莫加焉親愛之而期以富貴壽康蓋天下之同情而推明所以長保富貴壽康之道以期之者聖人之心也爾朕嫡長子

皇考太宗皇帝嫡長孫也自幼岐嶷粹美

皇考最所鍾愛鞠育提訓朝夕膝下誠以爾為遠大之器而可付以

社稷人民之重者也故隨事垂訓皆聖人之至道帝王之大經恩德廣厚譬諸天地之化豈易名言迺永樂甲辰

之春親征北虜車駕將發子孫咸在

皇明寶訓

洪熙一卷

六

天顏穆清顧爾謂朕曰古之令主於盤盂劔几皆有銘用自警也人之行莫大於中正况為人之上者乎吾以人主中正四字為寶押師還製以賜之俾之自勉逮六師凱旋不幸

皇考賓天朕已承

遺命正大統冊爾為皇太子皇太子者天下之本係主器之重必有令德用克欽承惟中興正為德之本謹遵皇考成志製為寶押以授爾其懋敬之哉中正體用一也不偏不倚無過不及天下萬善皆原於此隆古帝王傳授之要皆在於此人以中正存諸內則發於喜怒哀樂無非道也以中正施諸行則形於動靜云為無非德也

而於君人者之施蓋又廣矣中天下而立以正天下之表其可不敬於內不愼其發哉故以中正誠身則身尊以中正治家則家齊惟中正之人是親則君子益進小人益遠惟中正之言是聽則善道日開而讒諂日退行賞以中正則恩不濫而人皆懋功行罰以中正則刑不濫而人皆畏罪以中正施政教則治道可成而俗化可與以中正施命令則萬姓服從而四夷效順君人之道莫此為要爾懋敬之其篤念朕

睦親

皇考與朕所親愛期望之心而敬服膺之以係宗社生民之望於永遠哉

皇明寶訓

洪熙一卷

七

○永樂二十二年九月乙酉增諸王祿米

上謂戶部尚書夏原吉曰朕諸叔在者無幾諸兄弟惟趙王居京師餘皆守藩於外朕旦夕在念帝王之治莫先親親况朕新嗣太位於此尤當加意其加諸王歲祿於是周府加米五千石通前二萬石悉支本色寧府原祿一萬石悉支本色慶府加米九千石通前一萬石悉支本色代府加米千五百石通前二千石悉支本色藩府加米七千石通前萬石內本色米六千石餘折鈔唐府加米千七百石通前五千石悉支本色遼府加米千石通前二千石悉支本色肅府加米五百石通前一千石悉支本色秦府原祿一萬石內加米四千五百石通前

五千石支本色餘五千石折鈔伊府加米千七百石通前二千石悉支本色靖江王加米七百石通前一千石悉支本色漢趙二府各加米二萬石通前三萬石仍歲加鈔十萬貫晉濟煒給米三千石

賜晉濟煒書曰念昔與兄朝夕同侍

皇祖同學講習又同飲食起居兄弟之懷夙夜懷悵特送翼善冠二金箱玳瑁帶一龍文袍服紵絲紗羅衣材九襲白金三百兩鈔六千錠紵絲二十疋表裏錦九疋羅二十表裏紗二十疋胡椒蘇木三千斤廐馬二十匹及令戶部歲給米三千石用伸親親之情

○十一月壬午韓王冲城襄陵王冲林樂平王冲焚各獻

皇明寶訓

洪熙一卷

八

詩頌

上覽畢以示侍臣曰韓王兄弟文詞皆有可觀亦其資性聰敏務學所致王者之學雖不在文然能留心於此不役志於他斯亦可尚遂賜勅獎諭曰覽王詩頌詞明理暢足見勤學好文之篤誦之至再嘉嘆不已諸弟皆有淳篤明敏之資自今益潛心載籍用志古之賢王使東平河間不得專美前代豈不偉哉賜白金鈔幣有差

○甲申加各長公主號及歲祿

上謂禮部戶部臣曰朕皇考同氣至親惟諸叔諸姑今諸叔之子皆已冊封諸姑在南京朕即位之初雖嘗有分齊而名號未加朕心有

歎其加寧國長公主及懷慶大名南康永嘉含山汝陽
寶慶七長公主皆為大長公主仍議增其歲祿於是戶
部禮部議奏增寧國大長公主歲祿米三百石通前二
千三百石內一千三百石支本色餘折鈔南康大長公
主原祿米一千二百石內九百石支本色餘折鈔加懷
慶大名永嘉含山汝陽寶慶六大長公主各祿米二百
石通前一千二百石內九百石支本色餘折鈔從之

○已丑靖江王府輔國將軍贊侃贊偕來朝班朝臣之下
上顧見之諭鴻臚寺臣曰贊侃兄弟雖朕姪然宗親豈宜
過列疎遠其令班於駙馬都尉之次著為令

○洪熙元年正月庚辰賜漢王高煦袞服皮弁服書曰世
皇明寶訓

洪熙一卷

九

子至言賢第袞服皮弁服皆舊欲易新者今已製完額
人送去相望懸切其善調攝以副同氣之懷世子令於
此月十二日歸并報知之

○三月辛卯遣中官賜漢王高煦袍服材書曰違濶隔歲
懷思益深兄弟至親豈不欲朝暮晤聚共天倫之樂但
以藩屏之重未遂斯志願於同氣情當何如想在賢弟
心不異此茲以寒暑袍服材九襲專人致意賢弟亮之
賜趙王高燧亦如之

○甲午趙王高燧奏王府舊存祿米十二萬石在京乞官
為運赴彰德

上命戶部於彰德附近倉內支杭米十二萬石給之賜書

答趙王曰賢弟有所欲為義當從便但目下軍民之困
未蘊京師輸運不足者亦不以勞之念王府日用不可
缺已勅戶部於彰德附近倉內支杭米十二萬石送王
府王府之米在京者朝廷留用庶幾兩便

戒飭宗室

○洪熙元年二月辛酉賜書周王橐曰春和計尊履納福
今宗室諸王男長未婚女長未嫁蓋多有之姪雖居憂
制斯事固恒在念已令所司預辦儀物但喪服一除即
為舉行今歸德衛送至府中內使趙信等為婚禮擾民
今悉發回府若有因此事別遣在他處者亦須取回庶
免下人之議蓋朝廷與王國本出一家禮無大異惟叔
皇明寶訓

洪熙一卷

十

先帝同氣最親於今宗室最長姪叨承天位所望於叔者
凡事為諸王表儀姪所行事有過不及亦望匡翼此中
心之誠惟叔亮之

○甲子晉王濟熿及平陽王美圭互奏爭連伯離田賜書
濟熿曰得奏田事兄亦檢閱

先帝時賢弟及平陽王所奏具見本末今仍遣人往蒲州
從定審視繪圖來觀賢弟亦令一的當人同往務盡公
道庶幾將來處置得中古人有言易得者田地難得者
兄弟孟子曰亦有仁義而已兄於賢弟心相好也親愛
之言想惟亮察又遣書諭兄濟熿曰前平陽王言連伯
離田雖已與之昨晉王亦言在

先帝時曾奏此事今檢閱不為無據已遣人往蒲州從公審視圖畫來觀兄亦宜令平陽王遣一的當人至彼務盡公道庶幾將來處置兩得其中古人有言兄及弟矣式相好矣無相猶矣往事悉可置度外也蓋時濟煥猶訴諸弟昔所構誣未已云

○四月戊申命華陽王悅耀居武岡州悅耀蜀獻王第一子素放肆不順為父所惡父薨悅耀誣奏蜀長孫友曄悖逆怨讎十數事意在去友曄則王位以次及已勅召友曄廷辨未至而

太宗皇帝要駕

上即位察知其誣復命友曄嗣蜀王而召悅耀悅耀至猶

皇明室訓

洪熙一卷

十一

執奏友曄前過

上厲色曰爾兩人行事蜀人所共知不可掩况可欺朝廷乎以庶孽而懷奪嫡之志天道果與之乎

宗廟神靈亦祐之乎抵其奏於地叱之下悅耀惶恐退明日復入奏請殺護衛指揮千百戶子弟及女戶官并請

以流官為世襲

上曰朝廷之制護衛官當陞降者從王具奏郡王安得專之不聽已而

上諭侍臣曰鸞梟不可同處矣遂賜書悅耀曰爾與友曄本一氣至親既情義乖違同處必至相處傷湖廣武岡州民淳俗厚蓋善地也爾往居之歲給爾祿米二千石

內一千石支本色餘折鈔其體朕悻睦之心安意以行仍貯絲羅各十五表裏白金二百兩鈔一萬貫勅蜀王友曄令遣人送華陽王家屬赴武岡完聚其平日隨從之人悉還之然須厚資給以盡事叔之道

嚴祀禮

○永樂九年閏十二月甲戌

上為皇太子浙江台州府言比文廟及學并按察分司廨宇因海風傾塌欲重建之而頻年水旱民力不逮見有沒入官屋請撤為之

上諭工部臣曰廟祀先師何惜於此而取沒入屋材其文廟令有司別採材作之儒學及按察司聽撤舊材為之

明實訓

洪熙一卷

十二

○永樂二十二年十二月戊辰太常寺卿王勉劾奏通政使司通政使尹必用當省牲郊壇而令參議顧謙代行皆屬不恭時監察御史方糾必用他事

上曰御史所言特其一時之誤情可恕禮莫重於祀天而省牲不敬豈可復居是職於是必用謙皆下獄

○己巳上諭禮部臣曰朝廷崇祀神祇悉有舊典主其事者當致虔恭以祈嘉貺福黎庶頗聞天下郡邑應祀壇宇歲久傾墊多不脩治甚非昭神明之道其飭有司修繕凡祭器祠宇并須堅緻潔淨所用物料悉出公帑毋飲民仍令巡按御史及按察司官以時點視違者罪之

○洪熙元年正月癸未以大祀南郊

上御奉天門文武羣臣受誓戒畢

上進分獻官諭之曰事神之道豈獨臨事之際則致誠敬要其奉天子民之心積累於平日者皆已乎達鬼神所以祭則受福朕以菲德上承

祖宗主典神天所與協恭承

天休者公卿百執事也尚體朕心敬亮天工仁卹斯民庶幾克享天心風雨順調年穀豐稔使斯民蒙福亦昭我君臣共事之美欽哉

○四月己未行在太常寺卿楊溥奏犧牲所見畜羊少請給鈔遣官於出產之處市買

皇明寶訓

十三

上曰能愛人而後可以事神朝廷事神之道豈當惜費比年有司不達大體於市犧牲但準洪武中價值凡物值隨時低昂豈有一定之理今民間諸物視洪武時直率增數十倍而祀神之物獨仍舊值民怨於下神其享乎自今供祀犧牲悉準在京時值給鈔往市如於所產之處時值不足則就所在有不係贓罰鈔內補給幾內從巡按御史在外從按察司官監市毋致擾民

仁政

○永樂二十二年十月甲辰

上諭禮部臣曰

皇考臨御數詔有司存恤鰥寡郡邑皆有養濟院比聞率

是文具居屋散壞肉粟布絮不以時給栖栖饑寒而守令恬不留意爾禮部嚴誠約之令謹視宜施實惠毋致失所

○庚申增京師百官軍士月米先是

上諭兵部尚書李慶曰國家養兵必使平時衣食不乏無嗟怨之意則緩急用之得其力今遠戍者勞動操練者亦少暇守衛者常不得下直間有餘丁亦別有差遣不得息在營率婦女幼稚無治生者而月糧止得五斗不足自贍此豈能無嗟怨宜如洪武中例月給一石慶曰如此恐百姓餽運不勝其勞

上曰古者寓兵於民一有調發民間騷動今之民平時雖

皇明寶訓

洪熙一卷

十四

有養兵之勞而調發之際免於荷戈被甲晏然安居田里以此校之未為甚勞慶叩首曰此非愚臣所及遂召戶部尚書郭資諭曰往年百官軍士初扈從來月給米五斗可贍今都於此此曹多有家屬矣五斗不足以贍江南運輸困難然京師百官軍士艱難尤甚往往守義者困於饑寒玩法者恣無忌憚卿國之大臣獨不為遠慮哉朕於文武官及軍士月米悉欲加給五斗數年太倉儲積皆卿所掌不之用否資對曰不乏遂命增給

○洪熙元年正月辛巳

上諭兵部尚書李慶等曰馬資於國用甚大然嘗思之當與民同其利民有即國家之有漢文景時閭巷有馬千

百為羣蓋民生樂業庶物咸殖焉自蕃息

先帝嘗聽民間皆畜馬然有司急於官馬孽息故民不暇於其私今且寬恤之使奉公之外有餘力可以及私從容寬暇之久庶幾可望民安物阜今後民間畜官馬者令二歲納駒一匹著為令又命大學士楊士奇等曰須以詔書行之

○四月丁卯勅行在戶部曰山澤之利當與百姓共之故比者特弛西山樵採之禁令聞有拔本而取者於古人斧斤以時之義何如宜禁止之

恤民

○永樂七年五月壬申朔

聖明實訓

洪熙一卷

十五

上為皇太子監國南京解州安邑縣儒學教諭自感言安邑民饑流徙吏不知恤早傷田稼而科徵不已民實窮困無所訴告其稅糧乞折收鈔帛庶少蘊息之

上覽之曰守令民之父母艱難困苦當用心拯救使不失所今艱難如此而不知恤又重以徵歛豈為民父母之道命戶部停徵稅糧今巡按監察御史治縣官坐視民瘼之罪命吏部曰咸為教官養民非其職而能憂民可嘉其以為安邑知縣

○永樂八年三月乙亥

上為皇太子監國南京右副都御史虞謙給事中杜欽啓頴州及頴州衛軍民缺食請發廩賑貸

上遣人馳諭之曰軍民困乏待哺嗷嗷卿等尚從容啟請待報汲黯何如人也亟發倉賑之勿緩

○永樂十八年十一月己丑

上為皇太子過鄒縣見民男女持筐盈路拾草實者駐馬問所用民跪對曰歲荒以為食

上惻然稍前下馬入民舍視民男女皆衣百結不掩體龜釜傾什不治歎曰民隱不上聞若此乎顧中官賜之鈔而召鄉之耆老問所苦具以實對輟所食賜之時山東布政使石執中來迎責之曰為民牧而視民窮如此亦動念否乎執中言凡被災之處皆已奏乞停今年秋稅上曰民饑且死尚及徵稅耶汝往督郡縣速取勸饑民口

聖明實訓

洪熙一卷

十六

數近地約三日遠地約五日悉發官粟賑之事不可緩執中請人給三斗曰且與六斗汝毋懼擅發廩吾見上當自奏也

○永樂二十一年八月丁丑

上為皇太子監國諭戶部尚書郭資曰今年南北直隸并山東郡縣水旱之處糧芻皆無出而有司徵索不已甚為朝廷怨其悉蠲之

○永樂二十二年九月庚辰以河南黃河汎溢祥符陳留鄆陵太康陽武原武諸縣多傷禾稼勅免今年稅糧馬草仍命都察院左都御史王彰都指揮同知李信往鎮撫軍民

上諭彰曰卿任朝廷耳目之寄且河南鄉邦下情鬱不上達久矣凡有可以利安軍民者悉具奏來各府州縣亦須周歷諮訪庶幾得民之情

○工部奏脩兵器請徵布漆於民

上曰兵器不可不脩但方下詔恤民民瘼未蘇何忍復有徵歛其官給價鈔市之

○丙戌鳳陽五河等縣奏雨水沒田稼

上謂戶部尚書夏原吉曰農民勞苦至秋成為水所傷既無自給不可復徵其稅其遣人覈實今歲糧芻悉免之

○庚寅通政使司左通政樂福言奉命沿水蘓松嘉湖杭常六府令歲六府田稼有傷於水者請寬其稅俟來歲

聖明實訓

洪熙一卷

十七

併徵

上曰今歲以恤民故寬之若來歲併徵民輸亦難其令以鈔布代輸

○乙未

上諭兵部尚書李慶曰今太僕馬增數倍而畿民一夫或畜三匹四匹者畢力於此故有耕桑盡廢衣食不給甚可矜憫其以分給諸衛所及臨邊戍卒俾收養乘習以待用亦軍民兩便也

○十月癸卯通政使言山東民運糧至通州張家灣因民家火延糧舟悉燬官府責償甚急民無所出奏丐蠲徵

上諭戶部曰山東數年水旱民窮今又厄於此宜寬恤之

其令每糧一石準輸鈔四錠

○丙午山東布政使司言登萊諸郡今歲雨水傷麥其前歲所通稅乞令民以他物代輸

上命戶部議所以寬貸之戶部言今國用不足

上曰君民一體民貧豈可不恤宜從所言其永樂二十年所通稅悉蠲之二十一年稅令以鈔貸輸

○戊申通政使司請以四方雨澤奏章類送六科收貯

上曰祖宗所以令天下奏雨澤者蓋欲前知水旱以施恤民之政此良法美意今州縣雨澤奏章乃積於通政司上之人何由知又欲送六科收貯是欲上之人終不知也如此徒勞州縣何為自今四方所奏雨澤至即封進

聖明實訓

洪熙一卷

十八

朕親閱焉又諭之曰為近臣當究事理恤民難毋徒苟應故事也

○癸丑順德府廣宗縣奏今歲雨水下田傷稼頗多乞寬其租稅

上謂戶部臣曰比登萊諸郡雨水傷麥已蠲其永樂二十年通稅二十一年所通者令折輸鈔廣宗可準此例寬恤之若俟覈實而行則民困於有司之督責其速行之而後令巡按御史審實不實者罪之自今各處有告灾者悉準此例

○乙丑山西渾源州奏民逃徙者百餘戶其田荒廢而歲額未除請以均分見在之民

上曰民窮甚故逃今以分見在之民是欲其皆窮而逃也
命戶部速除稅額若民有願耕者或逃者復歸就耕則
三年後徵稅

○十一月癸酉

上諭戶部高書夏原吉等曰土民所恃以衣食者今所在
州郡奏除荒田租得非百姓苦於征徭相率轉徙歟抑
年饑衣食不給或加以疫癘而死亡歟自今一切科徭
務樽節仍命有司凡政令不便於民者條具以聞被災
之處早奏賑恤有稽違者守令處重罪

○洪熙元年正月己亥遣布政使周幹按察使朝聚叅政
葉春巡行應天鎮江等八府察民利病賜勅諭曰朕祇

聖明實訓

洪熙一卷

十九

奉鴻圖君臨兆庶憐憫夙夜康濟為心而南方諸郡尤
厯念慮誠以民衆地遠情難上通今特命爾等巡視應
天鎮江常州蘇州松江湖州杭州嘉興八府其軍民安
否何似何弊當去何利當建審求其故具以實聞爾等
必公必勤毋徒苟應故事庶副朕憂憫元元之意欽哉
○三月辛未朔勅守南京襄城伯李隆曰軍民久勞宜俾
休息况東作方興不可妨其農務所運營造木植已過
儀真填者令運至北京未過填者俱於龍山廠收貯勅
南京工部亦如之

上勅戶部工部曰連年民力疲於轉輸朕夙夜思所以休
息之今北京庫藏所貯足給用度已令各處見解錢帛

金銀銅鐵等件未過儀真填者俱貯於南京庫藏如已
過填聽來其原派納北京之糧仍令備運

○壬辰罷徐州等處買羊毛時有自南京來奏事者

上召至榻前問道途所過百姓安否何如首以是對立命
所司罷之

○四月壬寅免山東及淮安徐州今年夏稅秋糧之半停
罷一切官買物料時有至自南京者

上問道路所過民情何似對曰淮安徐州及山東境內民
多乏食而有司徵夏稅方急遂召問少師塞義所對亦然

上坐西角門召大學士楊士奇等令草詔悉免其今年夏
稅及秋糧之半官買物料一切停罷士奇對曰

聖明實訓

洪熙一卷

十

皇上俯恤民窮誠出於聖仁若斯事亦可令戶部工部與聞
上曰姑徐之救民之窮當如救焚溺不可遲疑有司慮國
用不足必持不決之意卿等姑勿言命中官具楮筆令
士奇等就西角樓書詔

上覽畢即命用璽已遣使賫行

上顧士奇曰汝今可語戶部工部朕悉免之矣左右或言
地方千餘里其間未必盡無收亦宜有分別庶不濫恩

上曰恤民寧過厚為天下主可與民尺寸計較耶

○勅平江伯陳瑄曰累歲軍民運木植勞勤朕甚憫之今
自儀真至通州沿河木植悉皆停運就所至去處堆梁
令人看守軍民悉散遣歸其差去管運官不許以堆梁

為由遷延不歸以擾害百姓違者罪之

○甲辰勅南京太監王景弘曰朕以來春還京今遣宮匠人等前來爾即提督將九五殿各宮院凡有滲漏之處隨宜脩葺但可居足矣不必過為整齊以重勞人力

○丁未都察院右副都御史弋謙等陛辭勅諭謙曰往年採木者必先虛奏數目及當起運之際倉卒採辦以足虛奏之數屬民為甚近命內官謝安侍郎楊和等往四川起運水次堆積之木朕慮安等復蹈前非特命爾往巡視但據今實堆積水次者即起運來如有比先虛奏之數今已赦其罪不問不可再採以補此數只從實起運如有不遵朕命仍前勞人採補者即枷釘差人解來

聖明寶訓

洪熙一卷

廿一

治以重罪

重農

○永樂七年三月辛未

上為皇太子監國南京謂戶部侍郎古朴曰今夏氣將至農事正急聞輸賦之人驟於京師久不得歸此必所司貪賄故生事阻滯其速榜諭凡運賦所過官司不即放行所至倉官不即收受者皆罪不貸

○永樂八年五月辛卯

上為皇太子監國南京刑科右給事中耿通言駢騎等衛倉壞運報至者露積久而虧折多工部侍郎陳壽等不預修理宜正其罪

上曰豈獨虧糧又妨農務令壽等亟修倉收納遺民歸治農

○永樂二十二年五月丁丑

上為皇太子監國浙江台州府臨海縣啓廣濟等處河道淤塞水閘頽壞乞脩浚

上諭工部臣曰春秋慎用民力而護不時可令農隙脩築○十月辛酉五城兵馬指揮司言比日京城軍民私宰牛甚眾請重罰以警之

上曰愚人苟圖目前之利更不恤刑罰命三法司自今私宰牛者十倍時值追鈔仍治私宰之罪時鈔法滯故權為此令

○十一月田戌

聖明寶訓

洪熙一卷

廿二

上諭戶部尚書夏原吉等曰農者生民衣食之原耕耨收穫不可失時自今一切不急之役有當用人力者皆俟農隙前代蓋有不恤農事而以徭役妨耕作召亂亡者矣不可不謹

○辛卯

上諭戶部尚書夏原吉曰古寓兵於農而不奪其時所以民無轉輸之勞而兵食足後世莫善於漢之屯田昔先帝所立屯種法甚善蓋用心益甚至但後來所司數以征徭擾之既失其時遂無其効所在儲蓄十不及二三有事不免勞民轉輸矣其令天下衛所凡屯田軍士自今不許擅差妨其農務違者處重法